

الرشاد

سرا ۱۳۳۰

اتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در

صاحب و مدير مسئول : ح . اشرف اديب

جلد ۱ - ۸

۲۶ تيسان ۱۳۲۸

پنجشنبه

۲۲ جمادى الاول ۱۳۳۰

عدد ۱۰ - ۱۹۲

لقد عرض الحمام لنا بسجم اذا أصنى له ركب تلاحا
شجا قلب الحلى قول غنى وبرج بالشجى فقال ناها

قطعه سنی انشاد ایدر ایتمز معری اولجه ایراد ایتدیکی (وهن بالشام) ه عطفاً (ومن بالعراق) جمله تقدیریه سیله التفات ایتدی . فیلسوف نور بحیرتله ، یوزینی کورمه دن ، اسمنی ایشتمه دن مازنی یی هان طانیشدی .

ابوالعلاء قومی آره سنده پک بویوک برمکانت واعتباری واردی : حلب امیری صالح بن مرداس معری محاصره ایتشدی ؛ خلق ، قصبه یی قورتارامایه جقلرینی ، صالحی دفع ایده یه جکلرینی آکلایجه هان معری یه قوشدیلر ، توسط اجرا ایتمه سنی رجایتدیلر . فیلسوف ، رهبریه برابر چیقدی . صالح ، ستمارالله ، اکرام ایتدی ومقصدینی صوردی ؛ ابوالعلاء « الامیر اطل الله بقاءه وکالیف القاطع لان مسه وخشن حده وکالتهار قاط وسطه وطاب برده خذالعفو وأمر بالعرف واعرض عن الجاهلین » دینجه صالح « قدوهبتهاک » دییه رک قوجه فیلسوفک مملکتدن دوندی کندی .

معری ؛ انفرادی ، خلقدن اوزاق بولونمه یی سور ، رؤسا ایله برلکده بولنمه دن نفرت ایدر ، اهالی یی ده آنلره تقریدن نهی ایلردی ، شویله دیردی :

توحد فان الله ربك واحد
ولاترغبن فی عشرة الامراء

فاطمیلرک حلب والیدی « عزیزالدوله » نک سراینده بولونمق کندینه تکلیف اولوندی ؛ شیخوختندن ، قلت بضاعه دن بحث ایله اعتذار ایتدی .

مسلم ، نصرانی ، یهودی تفریق ایتکسزین بوتون رجال دینه سوه ظن ایدر ، حقلرنده شویله سویلردی :

ما منهم بولا ناسک الا الى نفع له یجذب
أفضل من افضلهم حمزة لا تظلم الناس ولا تکذب

شرابدن استکراه ایدر ، شریعت منع ایتمه مش بیله اولسه ینه آنی حرام کورور ، بوخصوصده شویله دیردی :

أیاتی نبی یجعل الخمر طلقه
و هیات لویاتی لما کنت شارباً مخففة فی الحلم کفة میزانی

« معری » ، (بغداد) دن عودت ایتدکدن سوکره اونده او طوردی . تألیف ، تعلیم ونظم شعر ایله مشغول اولدی ، شعرلرینک موضوعی زهد وحکمت ایدی . مشارالیهک برچوق مصنفاتی واردر . بونلر حروب صلیبه داهیه سنده هدر ضلال اولمش و آنجق بوکون معروف اولانلر قالا بیلمشدر .

اورته دن قالدان مؤلفاتندن بزی (کتاب الایک والغصون) در . دیوان متنبی یی اختصار ایده رک « معجز احمد » تسمیه ایتشدی ، بختری دیوانی ده تهذیب ایده رک (عبث الولید) تسمیه ایتمش ، ابی تمام دیوانی

بعدالاختصار ترتیب ایتدیکی شرحه (ذکری حیب) نامنی ویرمشدر ، سقط الزند ، ضوء السقط ، رساله الغفران والذو میات جمله آثارندندر . معرینک قرآن کریمی تنظیراً برکتساب یازدیغنی ده سویلرلر ؛ بوکتاب ایچون کندینه دیمشکرکه : (واقعا بلیغدر ، لکن قرآنده کی حلاوت بونده یوق .) کویا فیلسوفده (بیم کتابده درت یوزسنه دیلرده صیقلدار اولسون ، آندن سوکرا باقک نه اولوز ؟) دیمش .

معرینک بوکونه قدر محافظه طراوت ایدن بدیع شعرلری ، حکمت آمیز سوزلری واردر . شعرلرنده دیگر شاعرلرده چوقلق تصادف اولونان مدخلر ، فاحش مجولر پک آز کورولوز .

مترجمی

مابعدی وار

عبد اللطیف نوزاد

شکلیج

قلیج دینی

اوجنجی باب

مضرت بوشع (ع . م) و بنی اسرائیل

آرتق ذات شارع افای وظیفه ایتمش اولدیغندن محارب حضرت (بوشع) بنی اسرائیلک موقع حاکمینه چیقور . بوتون قبائل اسرائیلیه اک قطنی وصریح تعیرات ایله مشارالیه بیعت ایدیورلر : هر نه که : امر ایدر سهک یا باجغه ، « هر نه یه کوندر سهک کیده جکر . سنک او امرینه قارشى عصیان ایدن ، سنک هر امرینه نه اولوزسه اولسون اطاعت ایتنه کیم ایسه اعدام اولنه جق . یالکز قوی وشجیع اول [۱] .

حضرت (بوشع) ک ایلاک حرکت عسکریه سی جاسوس کوندره رک (اردن) نه ریخی کچه چکی نقطه قریبنده کی اک قوتلی شهر اولان (جریقو) نک احوالی وقوتی اوکرتک اولدی . جاسوسلرک عودتنده امر محاصره ایچین تدارکاته باشلانلش ایدی . بووقه نک تفصیلاتنه لزوم یوقدر . شوقه ریخی سویلامک کافی درکه : « آنلر (بنی اسرائیل) شهرى ضبط ایتدیلر و ایچنده بولنانلری ، آرکنکلری قادیلری ، چوقچقلری اختیارلری ، اوکوزلری ، قویونلری ، آشکلزی قلیج آغزیه قتل و اعدام ایتدیلر . . [۲] » شهر دخی خرابیت ایدیه یه محکوم ایدلش ، وتکرار اعمارده تشبث ایدیه جکلره لعنت اولتمش ایدی .

مترعاب سفر عسکریده بنی اسرائیل بر رجعت ناکهانی به معروضه قالدی : اوج بیک گئی جواردده کی (نهى) شهرینه هجوم ایتدیکی حالده بر خیلی ضایعات ایله بوسکورتلیدی . بوشع (ع . م) بووقه یی میتنده کیلر دن بعضیلرینک ارتکاب ایتمش اولدقلری بعض تقصیراته قارشى بر مجازات الهیه صورتنده تلق ایدوب مجرملری میدان چیقارغنی ایچین قرعه یه مراجعت ایله مشدی . قرعه (آخان) ه احاب ایتمش ، اوده فی الحقیقه دشمنله خربده آله کین هر شیک احراق لازم ایکن کندیسنک غنائمن بر هتدارینی نژدنده اخفا ایله دیکنی اعتراف ایتمش در . « بونک اوزرینه بوشع (ع . م) و آنکلر برابر بوتون بنی اسرائیل (آخان) ی ه اوغلرینی ، کریمه لرینی ، اوکوزلرینی

[۱] کتاب الیوش . [۲] کتاب الیوش مع ع

« و بوندن سوکره خادم الهی اولان یوشع (ع. م) - که تجارب و شجاعت عسکرینه سی بوقدر مملکتی فتح ایله منن ایدی - یوز اون یاشنده وفات ایتدی [۲] »

محررین مشهوره دن بری (کتاب الیوشع) ده بیان اولنان وقایع تاریخیه حقنده کی فکری [۳] شویله اجمال ایدیور :

« کتابک ماهیتنه باقیلیرسه پک خذیت بخش ، پک ظالمانه در . ظلم و قتالک بر تاریخ عسکر یسیدر ؛ وقایع مبسوطه شدت و وحشتجه ایلک کتابک محتویاتنه مماثل بولنیور »

مترجمی

علی رضا سیفی

مشکلات

توحید و اتحاد

۱۴

معارضین توحیدی حیرتله ، ولهله دوشورن اونامتناهی فیوض اعجاز قرآندن بری و بلکه برنجینی دیناً ، مذهباً ، عرفاً ، طبعاً ، مزاجاً مختلف بونجه شرق و غرب اقوامنک لواء الحمد توحید آلتنبه لسانلریله ، قیافتلریله ، اسلامیه منافی اولمیان بعض اخلاقلریله طویلانوب بنیان مرصوص کبی متین ، غیر قابل تزلزل بر هیئت اجتماعیه دینه ، بر ملت لاهوتیه وجوده کتیرملری ؛ بر کون اول معبود دیه حضورنده پرستش ایلدکلی آلهات اشجار و اصنامی کال نفرت و استکراه ایله پامال تحقیر و تذلیل ایتلمی ، طریق هدایتده کندیلرینه رفاقتدن امتناع ایدنلر ایله بوتون روابط قومیه و عرقه لرینی ، بوتون حقوق قرابت و اخوتی اساسندن قطع ایدرک انلره مدهش بر نظر خصومت و عداوتله باقه لریدر .

بو مهر منیر حقیقتک انوار اعجازی قازیشینده یاراسا قوشلرینی تنظیر ایدیور . معلولیت وجدان ایله ، عمای بصیرتله ادراک حقندن محروم اولدقلرینی نه بیلسینلر ! بر جامع شریفه کیریورلر ؛ باقیبورلر ، که عرب ، ترک ، کرد ، آرناروود ، چرکس ، بوشناق ، پوماق ... الخ هر بری قیافت ملیه سیله ، ضررلر ، صفرلر تشکیل ایتمش . هیچ بری قیافتنه باقیور ! هیچ بری قومیتنی خاطرینه کتیرمیور . هپسی برقبلیه متوجه ! هپسی بر امامه مقتدی ! هپسی براللهه راکع و ساجد . دها او کعبه توحیدک قاپسینده لباس قومیتلرندن تجرد ایتمشلر . مجسم ، ذی حیات بر نور ایمان اوله رق ایجری به کیرمشلر . شاشوب قالمغه ده حقلری واریا !

شمدی برده معبد تثلیثی نظر تفتیشدن کیره لم . مثلاً : برروم اورتودوقس کلیسای . بوکا بولغار ، عین مذهبدن ایکن کیرمز . یانندن بیله کچمز . رومده بولغارک اویله . صریلردن اولدقجه متنور

اشکلرینی ، قویونلرینی ، چادرینی و مالک اولدینی هر شیشی آلدیلر . آنلری (آخور) وادیسنه کوتوردیلر ؛ بوزاده نی اسرائیل آنلری طاشلره رجم ایتدیلر و آکشه یاقدیلر [۱] .

بو مدهنش مجازاتک تطیقندن سوکره ایلریله یوب بر خدعه حریبه سایه سنده (نهی) شهرینی ضبط ایتدی . « نهی حکمدارینی نی اسرائیل صاغ طوتوب یوشع (ع. م) ، کتیردیلر . نهی شهرینک بوتون اهالیسنی محاربه میداننده وصیقیشدیردقلری بادیه ده قتل ایدب بیتیردیلر . بونلر قیلج آغزیله بیتنجه نی اسرائیل (نهی) اوزرینه کلدی . وقیلجله محو ایتدی . اویله که : بوکون قتل اولنانلر اون ایکی ییک کشی ایدی . چونکه یوشع (ع. م) نهی اهالیسنی کلیاً محو ایدنجه به قدر آلی چکمه دی . و یوشع (ع. م) نهی شهرینی یاقدی ، آنی برکومه ، حتی بووقته قدر بر خرابه حاله کتیردی . نهی حکمدارینی ده بر آغاجه اصدی . سوکره یوشع (ع. م) نی اسرائیلک اللهه بر معبد بنا ایتدی . [۲] »

حضرت موسی نک خلفنک بونی تعقیب ایدن سفری بش حکمدار طرفندن عقد ایدیلن بر اتفاق علیه نه ایدی . یوشع (ع. م) قوای متفقه نی مغلوب ایدوب « جیدعون » موقنده تلفات عظیمه ایله محو ایلدی . « بش حکمدار قاجدیلر (ما که دع) ده بر مغاره یه صاقلانیدیلر . یوشع (ع. م) مغاره نک آغزینه بو یوک طاشلرک یوارلانمسی امر ایتدی ، و بونلرک یانسه نظارت ایچین آدملر قویدی . دیدی که : دشمنلر کزک تعقیبنی بیتیرمه دکجه دورمایکز . ائک آرقه . قالانی اولدیرکز . آنلری شهرلرینه کیرمهک بر اقایکز !

« بویله جه یوشع (ع. م) ایله نی اسرائیل آنلری تلفات عظیمه ایله اعدام ایلدیلر . سوکره یوشع (ع. م) دیدی که : مغاره نک آغزینی آچکز و شوبش حکمداری دیشاری بکا کتیرکز ! آنلر (یعنی نی اسرائیل) بویله یاقدیلر . بش حکمدار یوشع (ع. م) ک حضورینه کتیریلنجه او بوتون نی اسرائیل جمع ایتدی و آنکله برابر کیدن محاربلرک قوماندانلرینه دیدی که : یقین کلیکر و آیاقلر کزی بو حکمدارلرک بوغازینه قویکز . اویله یاقدیلر . سوکره یوشع (ع. م) بونلری اوردی ، قتل ایتدی و بش آغاج اوزرینه اصدی . [۳] »

بوندن سوکره یوشع (ع. م) (ما که دع ، لبنا ، لجیش ، اکلون هربوب و دیری) شهرلرینی ضبط ایدوب بونلردن هر برینی « قیلج آغزندن کچوروب ایچنده کی جانلری کلیاً افنا ایلدی . » و « بویله جه یوشع بوتون تپهلرده کی ، شمالده کی وادیده کی و صولر یانسنده کی مملکتلری ضبط و خراب ایتدی و حکمدارلرندن هیچ کیمسه نی صاغ بر اقایوب ضبط و افنا ایلدی [۱] » بووقته قدر شمالده کی حکومتلر رؤسای نی اسرائیلک حرکاته قارشی برشی یایعاشلردی . شمیدی بونلر طوفان استیلا و تخریبک کندی اوزرلرینه دوغرو یوارلانغه باشلادیغنی کوره رک نه قدر مغایر سیاست برطور و حرکت اتحاد ایتمش اولدقلرینی درک ایلدیلر و نی اسرائیل علیه قوتلی براتفاق وجوده کتیردیلر . یوشع (ع. م) بونلری بر هجوم ناکه نی ایله پریشان ایدوب تک بر محاربه نتیجه سنده بوتون خطه نی آله کتیردی ؛ ماغلوبلرک بار کیرلرینی محو و حرب عربلرینی تخریب ایتدی . بو حربیدی سنه قدر امتداد ایتمش . آنجق قسم اخیری باشلیجه مستحکم شهرلرک محاصره و ضبطله اشغال اولمش ایدی . بومدت طرفنده (کنعانی ، عموری ، هیتی ، هیتی خراشیت ، پریسی و بیاسی) نامنده کی بش قوم تماماً ازانس ایدی . (کتاب الیوشع) ک ۱۲ نجی یاننده نی اسرائیلک سیف مظفرتی آلتنده جان ویرمش اوتوز بر حکمدارک اسملری م کوردر . فاتحله بعده ممالک مفتوحه نی تقسیم کیریشمشلردی . آنجق شایان دقت درکه : موقع قبائل اسرائیلیه . اصول عسکری به مستد وظائف عسکریه مقابلی تقسیم اولمش . بویله جه عموم نی اسرائیل سفر بر اردوی دائمی حاله کیرمش در .

[۱] کتاب الیوشع . [۲] کتاب الیوشع - سکزنجی باب . [۳] کتاب الیوشع - اونجی باب